

Bosna i Hercegovina Federacija Bosne i Hercegovine		Bosnia and Herzegovina Federation of Bosnia and Herzegovina
Kanton Sarajevo Općina Novi Grad Osnovna škola: "Avdo Smailović" Sarajevo		Canton Sarajevo Municipality of Novi Grad Sarajevo Primary school 'Avdo Smailovic' Sarajevo

Broj:01-1058/25

Datum: 10.07.2025.

Na osnovu člana 64. stav (1), te člana 65. stav (10) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), i člana 3. Pravilnika o uvjetima za upis učenika u prvi razred osnovne škole („Službene novine Kantona Sarajevo“, broj: 19/25), direktor Javne ustanove Osnovna škola „Avdo Smailović“ Sarajevo objavljuje

JAVNI POZIV

ZA UPIS DJECE U PRVI RAZRED OSNOVNE ŠKOLE

ZA ŠKOLSKU 2025/2026. GODINU (AUGUSTOVSKI ROK)

I – Obveznici upisa

Obavezni su se upisati u prvi razred osnovne škole:

- djeca koja do 1. marta 2025. godine navršavaju najmanje pet i po (5,5) godina života,
- djeca koja do kraja kalendarske godine (31.12.2025.) navršavaju šest (6) godina, mogu se upisati prijevremeno, na osnovu zahtjeva roditelja i pozitivnog mišljenja Komisije o zrelosti djeteta.

II – Potrebna dokumentacija

Roditelji/staratelji su dužni dostaviti sljedeće dokumente:

1. Izvod iz matične knjige rođenih (original ili ovjerena kopija),
2. Ljekarsko uvjerenje o psihofizičkom stanju djeteta, izdato od nadležnog doma zdravlja,
3. Uvjerenje/certifikat o pohađanju obaveznog predškolskog programa,
4. Obrazac prijave za upis (koji je dostupan u predškolskim ustanovama putem EMIS sistema),
5. CIPS prijava boravka – kao dokaz o pripadnosti školskom području.

(U školi će roditelj dobiti i anketne listove koje treba popuniti).

III – Način predaje dokumentacije

Lično: U prostorije škole, svakog radnog dana u periodu od 1. 8. do 29. 8. 2025., kod sekretara škole od 08.00 do 11.00 sati.

Prema informaciji iz Ministarstva za odgoj i obrazovanje KS, u skladu s članom 62. stav (7) Zakona o odgoju i obrazovanju u osnovnoj i srednjoj školi, škola može, na zahtjev roditelja, upisati dijete koje ne pripada školskom području, ako postoje opravdani razlozi, kao što je pohađanje iste škole od strane brata ili sestre djeteta. Prilikom donošenja odluke o prihvatanju zahtjeva, škola treba poštovati pedagoške standarde i normative, raspoložive kadrovske i prostorne kapacitete, te uzeti u obzir vrijeme (datum i sat) podnošenja zahtjeva. Odluka o upisu djeteta koji ne pripada školskom području bit će donesena uz saglasnost Ministarstva, a roditelju/staratelju će biti izdana potvrda o prijemu zahtjeva, u skladu sa Zakonom o upravnom postupku FBiH.

IV – Školsko područje OŠ „Avdo Smailović“

Školsko područje obuhvata ulice mjesnih zajednica „Buća Potok“ i „Dolac“, uključujući: Adema Buće, Asima Čamdžića, Bulevar M. Selimovića, Džemala Bijedića, Muvedina Ramovića, Bana M. Ninoslava, Bratunačka, Bratunačka čikma, Bužimska, Feriza Tumbula, Glasinačka, Grada Bobovca, Muzafera Mešića, Nazifa Hadžovića, Nusreta Prohića, Rafaela Gaona, Radenka Abazovića, Safeta Zajke, Remzije Pehlivanovića, Tuzlanska, Tuzlanska čikma, Srđana Aleksića, Adema Hubijara, Adema i Muradifa Omerspahića, Amira Krupalije, Braće Kovačević, Derviša Sude Vražalice, Hameda Hodovića, Mehe Smailagića, Nusreta Aganovića, Omera Kovača, Omera Kovača čikma, Otona Župančića, Safeta Isovića, Sulje Jahića, Šerifa Loje, Trebinjska, Vladimira Preloga, Bana Borića, Osmana Džikića, i dio ulica Kasima Hadžića, Dolačka, Esada Midžića, Smaila Šikala, Briješće brdo i Kralja Stjepana Tomaševića.

V – Dodatne informacije

Za sva dodatna pitanja možete nas kontaktirati putem:

Telefona: 033/640-455 ili 033/640-654

Faksa: 033/619-155

Napomena: U skladu sa članom 6. Pravilnika, procjena zrelosti djeteta za polazak u školu obavezna je prije konačnog upisa. Komisija za upis organizovat će procjenu prema unaprijed utvrđenom rasporedu, uz prisustvo roditelja/staratelja.

Srdačno se radujemo što ćemo imati priliku da sa Vašim djetetom krenemo na zajednički obrazovni put i pružimo mu sigurno, podržavajuće i kvalitetno školovanje.

S poštovanjem,

